

四庫全書

子部

欽定四庫全書

子部

冊府元龜卷二百

二十八至
三十

詳校官中書臣涂日煥

員外郎臣牛稔文覆勘

總校官庶吉士臣何思鈞

校對官中書臣王 瓚

謄錄監生臣汪兆鯤

欽定四庫全書

冊府元龜卷一百二十八

宋 王欽若等 撰

帝王部

明賞第二

唐高祖義師平京師義寧二年正月論功行賞其登京
城第一勲授光祿大夫開國郡公物一千段雖第一勲
而身死者亦准此其官迴授子弟宅奴婢仍並量給第
二勲人各授三轉物二百段第三勲人從朝散加

武德二年四月甲寅出庫物一百五十萬段以分賜太
原人從人

太宗武德九年八月甲子即位九月己酉詔曰褒賢昭
德昔王令典旌善念功有國彞訓吏部尚書上黨縣公
長孫無忌中書令臨淄侯房玄齡右武侯大將軍尉遲
敬德兵部尚書建平男杜如晦左衛大將軍椒子侯君
集等或夙預謨謀綱繆帷幄竭心懇到備申忠益或早
從任使契闊戎麾誠著艱難績宣內外義貫終始志貞

金石誓以河山實允朝議無忌可齊國公君集可潞國
公食邑各三千戶又真食邑各有差遣侍中陳叔達於
殿下唱名示之謂朕叙公等勲量定封邑不能盡當宜
各自言帝從父淮安王神通進曰義旗初起臣率兵先
至今房玄齡杜如晦等刀筆之人功名第一臣竊不伏
帝曰義旗初起人皆有心叔父雖得率兵未嘗身履行
陣山東未定受委專征建德南侵合軍咸沒於後劉黑
闥翻動叔父望風而敗今計勲行賞玄齡等有籌謀惟

幄畫定社稷之功所以漢之蕭何雖無汗馬指縱推轂故得功居第一也叔父於國至親誠無所愛但以不可緣私濫與勲臣同賞耳初丘師利等訴者極多或懷袂指天以手畫地見淮安不得理由是皆息自相謂曰陛

下以至公行賞不私其親吾屬何妄訴

又云秦府副護軍尉遲敬德從

平隱太子巢刺王論功行賞敬德及長孫無忌為第一各賜絹一萬匹齊府國司州帶器物封其全卽物與敬德賜吳國公真實封一千二百戶

馬三寶為太子監門率領平道軍將帝嗣位有沙門法

雅謀為妖逆三寶知而奏之法雅竟坐誅於是拜大將軍賜帛五百匹進爵為公

竇靖為夏州都督屬突厥攜貳諸將出征多詣其所靖素知虜中虛實具言方畧諸將因之每致尅捷帝稱善賜物五百段

高宗總章元年十二月破高麗以僧信誠為銀青光祿大夫賞先降也特進東代都督玄菟郡公泉南生為右衛大將軍進下國公賞其鄉導有功也左驍衛大將軍

檢校右羽林軍兼檢校司文正卿邴國公契苾何力為
鎮軍行左衛大將軍徙封涼國司空英國公勳加授
兼太子太師仍加實封通舊一千一百戶其嫡孫敬業
授朝散大夫右武衛將軍薛仁貴為威衛大將軍封平
陽郡公右監門將軍五原郡公李謹行為右武衛大將
軍賞平高麗之功也

睿宗景龍四年即位六月辛丑以平韋氏功論所賞封
薛宗暕為立節郡王鍾紹京銀青光祿大夫行中書侍

郎賜爵潁川郡公劉幽求為中書舍人仍參知機務賜爵中山縣男自餘封各有差

玄宗開元元年七月誅竇懷貞等賞定策功臣下制曰大臣立事夷險不易良相升朝安危所繫兵部尚書同中書門下三品郭元振偉材生代宏量鎮時經綸文章今之王佐出入將相古之人傑夙侍帷宸疇咨廟堂思志堯舜以期管樂朕往在儲闈洎登寶位每觀其人聞義感激願判忠邪立誠慷慨密陳弘益爾其至矣朕實

嘉之頃者梟獍興謀干戈作釁太上皇命朕除討元振
又馳奉宸極始則賚予為弼終則寧朕問安可謂格于
皇天貫于白日元惡既翦物共為新昌言是圖朕豈忘
舊宜開井邑永誓河山元振可封為代國公食實封四
百戶賜物一千段以前中書侍郎王琚為戶部尚書封
趙國公食實封三百戶殿中監張皎為工部尚書封楚
國公食實封五百戶太僕少卿王守一為太常卿封晉
國公食實封五百戶殿中少監李令問為殿中監封宋

國公食實封五百戶庚午琚皎令問皆以崇寵固辭乃以琚復為中書侍郎加實封二百戶通舊五百戶皎為殿中監充內外閑廐使加實封二百戶通舊七百戶令問復為殿中少監兼知尚書加實封二百戶通舊五百戶進將軍王毛仲為霍國公賜實封一百戶通舊三百戶賜吏部侍郎兼雍州長史齊國公崔日用實封二百戶通舊四百戶又制曰侍中兼太子左庶子梁國公魏知古中書侍郎同中書門下三品陸象先頃屬艱虞殲

殄凶醜咸能倉卒之際志不顧身訐謨之初邪莫干正
有罪斯服抑惟王典無言不酬以勸臣節俾加茅土式
寵鹽梅知古賜食實封二百戶物二百段象先封充國
公食實封二百戶賜物五百段又賜姜皎王守一王琚
李令問王毛仲甲第各一區並加上柱國

八月己亥以中書令張說鄭王傳蕪國子祭酒褚無量
輔導有功制曰無量執經傳禮敷暢微言俾予遊夫子
之門知先王之道者侍講之功也說又定策監撫謀始

危言防萌也難慮終竭節以身許國其誠動天夫爵有德封有功眷彼茂勤宜弘賞典以桓榮之稽古况蕭何之指縱是用欽若朝經差其井賦說可封燕國公食實封三百戶無量可右散騎常侍燕國子祭酒封舒國公食實封三百戶

開元二年四月戊午進封郭虔瓘為太原郡開國公食邑二千戶封郭知運為介休縣開國公食邑一千戶以賞功也制曰賞有功報有德者政之憲也若功不賞德

不報則何謂哉右驍衛將軍兼北庭都護瀚海軍經略使金山道副大總管招慰營田等使太原縣開國子郭虔瓘右驍衛中郎將檢校伊州刺史兼伊吾軍使郭知運等早負名節見稱義勇頃者抑中金滿偏師禦敵蕭條窮漠之外奔迫孤城之下彊寇益侵援兵不至既守而戰背秋涉冬櫪馬長嘶戍人遠望謀以十勝成其九拒遂能摧日逐之遺種斬天驕之愛息豈耿恭班超獨高前史將庶頗李牧與朕同時眷言茂勲是所嘉歎信

可疇其井邑昭示遐邇俾勞臣勸而懦夫立焉庚申又以虔瓘為左驍衛大將軍知運為右驍衛將軍仍賜衣一襲以崇其寵

九年夏四月庚寅胡賊康待賓據長泉縣作逆秋七月己酉擒待賓至京師腰斬之己丑朔方道行軍大總管兵部尚書清涼縣開國男王琰進封清源縣開國公食邑一千戶兼與一子官賜物五百匹天興軍節度大使右羽林軍將軍檢校并州長史攝御史大夫燕國公張

說與一子官賜物一百匹天興軍蕃漢討擊使特進史
獻與一子官賜物二百五十匹賞平胡之勲也十月癸
未以攝左羽林軍隴右防禦使薛訥為右羽林軍大將
軍上柱國封河東郡開國公賜物三百段銀五百兩錢
三萬貫賞功也以隴右防禦副使雲麾將軍左羽林軍
將軍介休縣公郭知運進階冠軍進封太原郡公仍兼
臨洮軍使賜物三百匹錢三十萬銀四百兩左武衛將
軍清涼縣侯白道恭進封清涼縣公賜物二百匹錢二

十萬銀二百兩以右威衛將軍杜賓客為靈州刺史充
豐安軍使封建平縣開國男賜物二百段銀二百兩錢
二十萬右監門衛將軍臨洮軍使安思順為洮州刺史
充莫門使賜物二百段銀三百兩錢五十萬右威衛郎
將楊楚客為右領軍衛中郎賜物二百段錢十萬銀二
百兩並賞破吐蕃之功也

十七年三月瓜州刺史墨離軍使張守珪沙州刺史賈
思順領伊沙等州兵入吐蕃大同軍大破吐蕃驅剪不

可勝紀帝降書謂守珪曰吐蕃小寇干我邊鄙頻經喪
歟竟不悛懲卿等早懷勇烈久司戎旅各効忠誠暗中
計略遠聞決勝嘉慰良深守珪及思順並宜賜款其立
功人叙錄具狀奏聞必須據實勿使踰濫今內出緋款
袍卿等領取量功分賞其被傷人仍給醫藥使得安全
陣亡人具名錄奏當加優贈

二十三年十二月命十道採訪使舉良刺史縣令以陝
州刺史崔希逸潞州刺史宋鼎濮州刺史趙冬曦越州

刺史元彥冲澤州刺史李植洛州刺史徐嶠之易州刺
史盧暉莫州刺史鄭倩之隴州刺史武崇節廬州刺史
竺承構雋州刺史許齊物江州刺史李尚辭河南府陸
渾縣令李常河南府長水縣令乙速孤令從陝州河北
縣令李抗懷州修武縣令唐昭明京兆府高陵縣令裴
迴京兆府盤屋縣令戴休琰京兆府奉先縣令李知止
京兆府涇陽縣令韋伯祥太原府祁縣令李志遠太原
府清源縣令高播蒲州永雒縣令裴肫解縣令李戒之

齊州臨邑縣令上官貢涇州定安縣令王履璉洛州邯鄲
縣令畢彥孫趙州平棘縣令霍栖梧梓州射洪縣令王
休言蘇州崑山縣令李叔括州括蒼縣令祝紹荊州當
陽縣令趙廣徽荊州松滋縣令李修荊州枝江縣令董
琅襄州安養縣令李泳等聞上降書宣慰刺史各賜帛
八十匹縣令五十匹勅之曰卿等各能用心副朕所委
今茲歲會風政有歸是用激揚以勵清操

天寶三年制唐元功臣締構之初竭其忠款錄功念舊

情所不忘普恩之外更加一階其身沒者各贈一官

十三年三月隴右節度使哥舒翰破吐蕃洪濟大莫門
等城并收九曲其將咸來策勲翰採撫具奏乃以隴右
十將特進兼右金吾衛員外大將軍兼大拔州都督燕
王郡王大拔歸仁加驃騎大將軍餘如故河源軍使左
武衛員外大將軍王思禮隴右兵馬使右武衛員外大
將軍彭元曜並如故加特進隴右同節度副使右羽林
軍員外大將軍張擢隴右都虞侯左武衛員外大將軍

兼安鄉郡太守管崇嗣隴右同節度副使右武衛員外
大將軍兼漢門軍使臨洮郡太守成如璆隴右同經略
副使右金吾衛員外大將軍兼寧塞郡太守康承獻隴
右討擊副使右領軍衛員外大將軍魯炆右領軍衛員
外大將軍兼高蘭府都督渾惟明並加雲麾軍將軍如
故積石軍使臧奉忠為左金吾衛員外大將軍鎮西軍
使郭光朝為右金吾衛員外大將軍河西經略副使蘇
法昂為威衛員外大將軍隴右討擊副使郭英乂彭體

盈並為左羽林軍員外將軍並充本道驅使以安西節
度使衛尉少卿員外置同正員兼安西副大都護攝御
史中丞封清有功進加六階自朝議大夫授銀青光祿
大夫仍遷鴻臚卿員外置同正員攝御史大夫餘如故
並與一子五品更與一子官亡父亡母妻並加追贈及
賜莊宅各一所

肅宗至德二年十二月大赦天下詔乘輿幸蜀天步多
艱人心且搖臣節斯見太子太師幽國公韋見素開府

儀同三司內侍監齊國公高力士開府儀同三司右龍
武大將軍潁川郡公陳玄禮開府儀同三司左龍武大
將軍田長文開府儀同三司右龍武大將軍張崇俊右
龍武大將軍杜休詳等勇不顧死危能致命或竭誠羽
翼仰北辰而環拱或叶契心膂聚東井以全歸酬其錫
社之封永以誓河之義見素加開府儀同三司實封三
百戶力士加實封三百戶玄禮進封蔡國公實封三百
戶長文進封鴈門郡公崇俊進封南陽郡公休詳進封

馮翊郡公各實封二百戶朕恭承天罰誓兵朔野幸興
一旅之衆遂成九有之師言念經綸豈忘締構銀青光
祿大夫尚書右僕射裴寬識宇冲深體局貞固輸忠佐
命肇啟興王加開府儀同三司封冀國公食實封三百
戶光祿大夫殿中監同正員判行軍李輔國志除君惡
忠誠濟危加開府儀同三司殿中監依前判行軍事封
成國公實封五百戶銀青光祿大夫宗正卿兼工部侍
郎李遵義切維城勲參定國加特進封鄭國公實封二

百戶開府儀同三司兼鴻臚卿同正員中軍都知兵馬
副大使管崇嗣能訓戎律以佐兵權進封鉅鹿郡公實
封二百戶中軍都虞侯特進鴻臚卿同正員李鼎加開
府儀同三司進封保定公加雲麾將軍右武衛大將軍
右羽林軍宿衛內供奉王兢加特進太原縣侯仍各封
實封一百戶自寇戎姦宄王師未振瞻言京國尚聚犬
羊廣平王俶脩學好古今德孝恭志存邦家誓雪讐恥
爰鞠其旅元戎啟行可封為楚王食實封二千戶銀青

光祿大夫尚書左僕射兼武部尚書同中書門下平章
事兼靈武大都督府長史單于安北副都護持節充朔
方節度使六城水運朔方管內採訪處置使郭子儀才
光三傑功格十臣克焯皇威載昌大業加司徒兼尚書
左僕射進封代國公食實封二千戶平章事已後並如
故開府儀同三司兼鴻臚卿同正朔方左廂兵馬使同
節度副使姑臧縣伯僕固懷恩進封豐國公食實封二
百戶開府儀同三司兼右金吾衛大將軍同正仍充四

鎮伊西北庭行軍兵馬使李嗣業履險忘軀破敵拯難
兼衛尉卿同正封虢國公食實封二百戶銀青光祿大
夫守司徒兼戶部尚書同中書門下平章事兼御史大
夫鴻臚卿太原尹北京留守河東節度副大使薊國公
李光弼全德挺生英才間出干城禦侮坐甲安邊可司
空兼兵部尚書門下平章事進封鄭國公食實封八百
戶開府儀同三司御史大夫兼工部尚書持節充招討
西京并定武威武興平等軍兼關內節度河西隴右伊

西四鎮行營兵馬使王思禮養銳先鳴蓄奇後殿可開
府儀同三司行工部尚書兼御史大夫封霍國公食實
封五百戶光祿大夫太常卿司正兼御史大夫淮南西
道節度採訪使潁川太守來瑱可開府儀同三司兼御
史大夫封潁國公餘如故特進太僕卿南陽太守兼御
史大夫權知襄陽郡事金鄉縣公魯炤蘊是韜略副茲
臨制可開府儀同三司兼御史大夫封祁國公仍各食
實封二百戶兼京兆尹持節充京畿採訪計會招召宣

慰處置使崔光遠毀家成國致命前茅可特進行禮部
尚書封鄴國公食實封三百戶開府儀同三司李光進
慎固封守克獻殊勲封范陽郡公食實封二百戶賢非
后不享后非賢罔乂社稷之固必在良臣左相苗晉卿
忠不忘君才惟濟代弼成大業保乂王家可特進行侍
中封韓國公食實封五百戶憲部尚書同中書門下平
章事李麟蘊德成務含貞軌物發輝帝業潤色皇猷可
金紫光祿大夫刑部尚書同中書門下平章事封褒國

公銀青光祿大夫中書侍郎同中書門下平章事崔圓
允釐庶績康濟多難克清天下大庇生人可特進行中
書令封趙國公食實封五百戶朝散大夫守中書侍郎
同中書門下平章事河南節度採訪使賜紫金魚袋張
鎬謀猷惟允綱紀立程愬茲戎律懿是謀府封南陽縣
公餘並如故銀青光祿大夫太子少師房瑄嘗以經術
輔導朕躬加金紫光祿大夫清河郡公銀青光祿大夫
少保嗣號王巨頊以宗枝居守京邑加光祿大夫御史

大夫越國公峘兼總元戎克寧全蜀可金紫光祿大夫
戶部尚書銀青光祿大夫守文部尚書郇國公韋陟持
衡流品式叙百工可金紫光祿大夫吏部尚書銀青光
祿大夫禮部尚書李峴饋運周給開物成務可光祿大
夫行御史大夫兼京兆尹封涼國公大中大夫文部侍
郎賜紫金魚袋蘇震供億烝徒臨事益辦可銀青光祿
大夫行吏部侍郎

代宗大曆二年二月以前同華節度使左廂兵馬使試

殿中監姚懷為開府儀同三司試太常卿封感義郡王
依舊內飛龍射生供奉前同華節度隨身試太常卿李
延俊為特進封承化郡王賞戮華州叛將周智光功也
德宗建中二年十二月庚寅加河中節度馬燧檢校尚
書左僕射加澤潞節度李抱真檢校兵部尚書賞破田
悅之功也先是悅遣將康愔領兵圍邢州糧餉路絕刺
史李洪堅壁自守賊不能陷賊將楊朝光又率衆二萬
圍臨洛其守將張仵亦堅拒之賊竟不能攻取乃樹柴

為營以禦官軍燧與抱真及神策將李晟合勢救之大
敗賊於雙置斬楊朝光傳首京師擒其大將盧子昌燧
等乘勝進軍又破悅於臨洛故燧等加官又加洪蕪御
史大夫伍檢校太子賓客蕪御史中丞

三年五月丁酉加河東節度使檢校左僕射馬燧同中
書門下平章事澤潞節度使李抱真檢校尚書左僕射
河陽三城節度使李芄檢校兵部尚書神策行營招討
使李晟檢校右散騎常侍實封一百戶賞破田悅功也

興元元年春正月癸酉德宗在奉天行在宮受朝賀畢
大赦改建中五年為興元元年制應赴奉天并進叔京
城將士並賜名奉天定難功臣身過犯遞減罪三等子
孫犯減罪一等諸道將士在行營並超三資改官仍各
賜勲五轉在本鎮者依資與改官各賜勲三轉内外文
武官三品已上賜爵一級四品已上各加一階仍並賜
勲兩轉

五月李晟等收復京師六月乙酉檢校左僕射平章事

充神策軍節度等京畿商華等州副元帥合川郡王李
晟加司徒兼中書令仍賜實封一千戶所司擇日冊拜
加華州潼關節度使駱元光檢校右僕射賜實封五百
戶加神策軍行營京畿商州節度使尚可孤右僕射賜
實封五百戶以檢校太子詹事兼御史中丞田希鑒為
檢校工部尚書兼涇州刺史御史大夫四鎮北庭行軍
涇原軍節度使七月辛卯赦書收京城將士超八資改
轉已甄叙者更與超三資扈從及收京將士及嘗參官

祖父母在先無官封量授致仕官及邑號已亡者與追
贈扈從將士三品已上賜爵兩級四品已下各加兩級
贈勲三轉諸州刺史普恩外賜爵一級諸道鎮軍及行
營將士三品已上賜爵一級四品已下加一階

九月乙亥加成德幽州盧龍等軍節度使檢校司空平
章事王武俊檢校司徒平章事賜實封五百戶加昭義軍
節度使檢校左僕射平章事李抱真加檢校司空平章
事加實封五百戶以破朱滔等功褒之也

貞元二年四月甲申詔曰李希烈棄義背恩窮姦極暴
謂神器可以力取謂生靈可以詐欺志在兇殘躬行僭
竊罪無與比法所難容朕以君德不脩致人於禍寃其
端本過實在乎忍使蒸黎重相攻戰屢施詔命務欲懷
柔抑羣帥奮發之誠駐諸軍討逐之勢不憚屈已期於
息人希烈曾無悛心益逞驕志虐毒滋甚吞噬無厭惡
貫既盈自底夷滅開府儀同三司兼御史中丞陳仙奇
忠勇有謀沉毅能斷據合境受汙之憤導三軍思順之

心唱義一呼羣情嚮附廓清氛祲殲渠魁驛書上聞
函首入獻方隅既乂戍役其休懸賞之科是宜必信可
檢校工部尚書兼蔡州刺史御史大夫淮西節度使仍
賜實封五百戶將士等委仙竒即以諸色官錢優與宴
設其中首建謀議同斬希烈人等宜並條錄聞奏節級
褒賞

五月詔准西接界州縣本軍鎮守及諸道赴行營將士
等宜共賜物二十萬端匹以充賞設仍委本道條錄聞

奏並與甄叙其行營將健各放歸本道明加宣諭令悉朕懷

十年十二月以靈州懷遠將士所破吐蕃收獲羊馬衣物宜分賞有功將士自今已後並宜從此

十二年宣武軍節度李萬榮疾病置其子迺為兵馬使迺殺大將為亂都虞候鄧惟恭等執送京師帝以東都留守董晉為節度詔汴州將士等志堅金石節勵冰霜叶奉邦家咸懷憤激不受熒惑同疾姦兇就縛軍中傳

獻闕下勲庸特茂遐邇所知宜獎忠勞各加優賞並與
進改仍委董晉一月內具名聞奏仍共賜錢三十萬貫
委董晉逐便即取鹽鐵轉運使錢物各給宣武軍節度
都虞候兼御史大夫鄧惟恭都押衙兼御史大夫杜皓
大將王應鳳曹元偁楊燕竒劉惟清成文朝陳沛張庭
芬薛文翰趙藏用李庭光宇文澹李國信等並竭忠効
誠績用昭著惟恭可檢校左散騎常侍依前兼御史大
夫賜實封一百二十戶子一七品正員官并賜物四百

疋杜皓英幹並可右散騎常侍依前兼御史大夫應鳳
已下各加官賜物押衙賈庭芬及同節度副使十將等
二百六十三人並優與改官

憲宗元和二年十月潤州將張子良李奉先田少卿裴
行立等生擒逆賊李錡制曰天地之德佐助者忠良鬼
神之靈斃踏者盈貫故有無狀之釁顛越以敗常則有
不奪之誠感慨以明節易所謂功業見乎變書所謂不
善降百殃積惡必至於滅身見機寧俟於終日應若影

響昭然著明李錡受恩三朝受任千里勺水拳石以至
高深潤草塗原豈酬亭毒而棄我厚德稔其姦心滔天
以肆其逆謀擢髮未窮其醜行乃者式舉戎旆申嚴國
刑將鼓雷霆之威以誅梟獍之罪鎮海軍左廂兵馬使
兼御史中丞張子良等外弘治慮內激精忠擐甲執兵
取凶人之柄瀝肝嘗膽懷勁草之風迴戈以掩其羽毛
竟夕遂擒其魁首天府無一金之費已靜江流王師無
一戰之勞已除人害莫大之節卓然無倫非常之功斯

謂不朽高位重賞予何愛焉殊加寵榮顯示旌勸其張子良等超異酬賞並從別勅處分其立功將士等并准平西川節度例優賞甄叙其左廂官健等素聞效順亦宜霑賞亦並從別敕處分十一月丁亥以子良為特進檢校兵部尚書兼左金吾衛將軍御史大夫賜上柱國進封南陽郡王食實封一百五十戶改名奉國兵馬使兼御史中丞田少卿為特進檢校右散騎常侍左羽林軍御史大夫仍封代國公食實封一百五十戶兵馬使

兼侍御史李奉先為特進檢校右散騎常侍又羽林將軍御史中丞仍封邠國公食實封一百五十戶

四年以左羽林將軍田少卿為左金吾衛將軍右羽林將軍李奉先為右金吾衛將軍稱賞擒李錡之功也又以左羽林將軍張承金為右神武大將軍知軍事稱賞擒楊惠琳之功也

五年四月以昭義軍都知兵馬使潞州左司馬兼御史中丞烏重胤為懷州刺史兼御史大夫充河陽三城懷

州節度等使以節度使盧從史潛通鎮州王承宗重脣
鎮撫軍情無變行賞典也以前昭義將王翊元起復左

龍武軍將軍知軍事王獻為右神武軍將軍知軍事以

功次重脣也

烏重脣故為潞州諸將會虛從史奉詔討賊常懷異志潛與王承宗通連吐突承瓘

以神策軍行營與從史對壘將圖之重脣通其謀竟縛從史於帳下於時重脣職總牙門是日戒嚴其軍莫敢動者事聞朝廷推重脣自都將兼潞州左司馬拜懷州刺史兼御史大夫河陽三城節度

十八年八月東都防禦使呂元膺奏淄青節度使留邸
伏甲作亂初李師道置邸於河南府兵謀雜以往來更

不敢辨因吳元濟北犯郊畿多警防禦兵盡戍伊關師道潛以數千百人兵內邸謀焚宮闕而肆殺掠既烹牛饗衆矣明日將出會有卒楊進李再興者謁元膺告急數日盡獲之賜楊進李再興各錦綵三百匹宅一區授以郎將及典軍仍送西川收管

十一年正月詔討鎮州王承宗乙亥幽州奏破下武強縣庚寅授幽州將朱泗等五人刺史敘武強功也二月以內庫繒絹四萬匹賞幽魏戰士

十二年十月乙卯淮西平甲申制收蔡州擒吳元濟節
度使及諸大將並從別敕處分諸立功將士委韓弘裴
度與行軍節度使及諸節度使計會速條疏等第聞奏
即有甄昇其賞物已令節級優厚支遣十二月丙辰朔
壬戌制加彰義軍節度申光蔡激觀察使充淮西宣慰
處置等使朝議大夫門下侍郎平章事兼蔡州刺史飛
騎尉裴度金紫光祿大夫依前門下侍郎平章事弘文
館大學士仍賜上柱國封晉國公食邑三千戶以馬總

為檢校工部尚書蔡州刺史蔡申光節度等使又制加
以唐鄧隨等州觀察使通議大夫檢校左散騎常侍鄧
州刺史李愬可銀青光祿大夫檢校尚書左僕射襄州
刺史充山南東道節度襄鄧八州觀察等使賜上柱國
封涼國公食邑二千戶并賜實封五百戶與一子正員
五品官韓弘加兼侍中李光顏烏重胤并檢校司空光
顏封武威郡公重胤邠國公以亘武軍都虞候韓公武
檢校左常侍充鄜坊丹延節度等使魏博行營兵馬使

田布為右金吾將軍並叙平寇之功也

十一月甲午以隨唐兵馬使李祐為神武將軍知軍事仍賜莊宅各一所米粟二百石錄平蔡功也

十五年郊寧節度使李光顏來朝制曰寰寓以清而兵不可失干戈再戢而功不可忘爰升經武之材用輔同文之理具瞻此允注意尤深蓋以獎舊勞而申賞典也李光顏稟忠厚仁信之資服禮樂詩書之訓沉勇有決剛嚴不殘挺長劍之鋒稜蓄殷雷之氣象以忘身殉節

為任以約已率衆為心屬先帝撫運動人墜菑除害能
展七擒之畧以成四克之功方夏甫寧凱還未幾驅仍
歲陷堅之士為盛秋乘障之師果逐奔戎載完危壁西
絕夷落威名赫然念茲勲庸當極寄任是以徵自保塞
接于明庭亟聞弘遠之規復挹冲深之度固可以內參
鈞軸外愬麾旗憲被萬邦叶于一德可不勉歟可檢校
司空同中書門下平章事依前邠寧節度等使帝以光
顏功冠諸將及徐泗李愬尅平淮夷故皆召赴闕宴賜

優洽已而皆帶宰相出鎮所以報勲臣也帝又御麟德殿宴光顏及愬各賜錦綵五百匹銀瓶盤等五事衣一襲馬一疋賓佐將校頒賜有差

穆宗以元和十五年即位二月御丹鳳樓大赦詔興元奉天功臣及蔡鄆立功將士普恩之外更賜勲爵亡歿者與追贈

長慶二年二月詔雪鎮州王承宗以左神策行營樂壽鎮兵馬使傅良弼為沂州刺史以瀛州博野鎮遏使李

寰為沂州刺史皆酬勞也良弼寰所鎮介居燕趙而二
叛啗之以利脅之以威屢趣其降各以一旅之衆堅壁
不戰賊竟不能取故賞之也

八月誅李宥汴州平於是以義成宣武兩軍節度檢校
右僕射韓充為檢校司空兼汴州刺史充宣武軍節度
汴宋亳等州觀察處置等使忠武軍節度檢校司空平
章事李光顏進位檢校司空兼侍中武寧軍節度使檢
校工部尚書王智興進位檢校左僕射以充海沂密節

度使檢校工部尚書曹華為檢校右僕射兼滑州刺史
充義成軍節度鄭滑潁等州觀察處置等使以宋州刺
史高承簡為檢校左常侍兼兗州刺史充兗海沂密等
州節度觀察處置等使以汴州防城兵馬使李質為右
金吾衛將軍以亳州刺史田頴為宋州刺史並策勲也
又內出綾絹三十萬疋付度支充諸軍賞物

敬宗長慶四年即位四月丙申有染坊供人張韶結染
工無賴之徒百餘輩犯右銀臺門入宮帝在清思殿擊

毬聞警將出幸右神策軍左右皆曰盜入宮未知衆寡
右軍遙遠道路可虞不如幸左軍之速至也遂幸左神
策軍初帝嘗寵右軍中尉梁守謙每遊幸宴樂兩軍或
相誇耀多加守謙之勝而左軍軍士時以為言京師頗
傳其事及帝違難至左軍中尉馬存亮匍匐出迎捧帝
足嗚咽涕泣自負帝入軍中帝極慰悅既安堵存亮又
令大將軍康藝全率騎卒入宮討賊與右軍兵馬使尚
國忠引兵合擊賊衆殲焉賜康藝全尚國忠等錦綵銀

器有差并共賜左右殿前軍官健錢一千貫文五月已未以藝全加檢校工部尚書兼御史大夫旌討賊之功也庚申賜存亮實封二百戶

文宗太和二年十一月壬辰詔曰王者誅暴亂賞勲勞既正紀綱式頒爵位朕以菲德理乖勝殘使釁生海盜刑用戎鉞屬者庭湊用滄州為輔軍以謀專土同捷持棣州為屏扞遂成阻命實賴英帥共恢壯圖爰議疇庸式獎宣力武寧軍節度使徐泗豪等州觀察處置等使

充滄州行營招撫使光祿大夫守司徒中書門下平章
事上柱國太原郡開國公食邑二百戶王智興可特進
封代國公食邑三千戶餘如故平盧軍節度使淄青登
萊棣等州觀察處置等使兼押新羅渤海兩蕃等使銀
青光祿大夫檢校尚書僕射御史大夫上柱國會稽縣
開國公食邑一千戶康志睦可檢校尚書左僕射餘如
故正議大夫檢校工部尚書使持節鄆州諸軍事兼鄆
州刺史御史大夫賜紫金魚袋崔弘禮可檢校尚書右

僕射餘如故其棣州城下武寧軍節度使諸道立功將士已甄錄外委智興條疏聞奏棣州應見在百姓宜復一年其將士有決戰攻壘奮不顧身中及被瘡遂成廢疾者並賜衣糧終身勿絕其武寧軍及平盧軍浙西宣歙天平等五處兵馬在棣州城下者並宜放歸本道於戲並命申威分彊剪寇界天河之南北委藩守以廓清立績者既以勞施圖功者方期盡敵勉弘勝策無至老帥共臻輯寧副我勤屬

是年討滄州叛將李同捷十月勅魏博新平原將士須有賞給宜賜綾絹五萬匹綿二萬

三年四月滄州李同捷平詔齊德將張慶旻等十三人鄭滑將李著等五人並進官級賜幽州綾絹共二十萬足德州十五萬足充賞軍士

九年十一月丙子賜鳳翔軍將李叔和莊宅各一區銀三千兩綾絹七十疋以斬鄭注功也

懿宗咸通十一年二月勅征討徐州將士等委吏部度

支頒獎有差

昭宗文德元年即位秦宗權被執蔡申光等州平詔賜蔡州行營兵士錢三十五萬貫令度支逐近支給

後唐莊宗初為晉王天祐十四年二月契丹攻幽州命諸將進討八月辛丑獻捷于鄴九月班師帝以橫海軍節度使李存審檢校太傅邢洺節度使閻寶檢校太尉並平章事方鎮如故將士賞給有差

同光元年四月即位制曰應六軍及行營馬部蕃漢諸

道將校兵士等皆以身先冒死志切勤王或竭節於忠
勞或連年而征戍須加恩獎倍撫苦辛其將校並賜功
臣名仍未有官者即超一資與檢校官已有官者亦超
資加官已官者與加爵邑如曾封爵者即給一子六品
正員官其長行兵士并賜功臣名應將士等並勒逐處
各定等第優賞

十月制曰懋德賞功百王明訓疏封列爵有國通規應
扈從征討將校及諸官員職掌軍將節級馬步兵士及

河北諸處屯駐守戍兵士等皆情堅破敵業茂平讐副
予勘定之謀顯爾忠勤之節並據等第續議獎勵

二年二月南郊禮畢制曰賞不失勞百王令典人惟求
舊有國通規當宜廣示優恩務酬嘉績應自來立功將
校兵士等皆久經戎陣備覩辛勤並宜各轉官資仍加
賞給

三月詔隨駕收復汴州并扈從到洛及南郊立仗都將
已下至節級長行軍將等朕自削平諸夏掃蕩羣兇被

介冑以征行歷星霜而扈從凡經百戰盡立殊功永念
丹心真同赤子若無旌賞豈表恩榮其都將官員司空
已下者宜並賜協謀定亂輔國功臣自僕射尚書常侍
至大夫中丞宜並賜忠勇拱衛功臣其初帶憲銜宜並
賜忠烈功臣已有功臣名者不在此限其節級長行軍
將宜賜扈蹕功臣

明宗以同光四年四月即位改元天成制曰鄴都赴難
之際定策功臣宜特加恩以彰豐報其扈從將士及六

軍諸衛諸道行營將校等委中書門下次第甄獎

是月齊州防禦使安審通加檢校太傅食邑四百戶鄴

都馬步軍都指揮使李正綱加檢校司空湖州刺史賜

竭忠建策興復功臣賞盧臺之功也

時盧臺戍軍亂害副招討寧國軍節

度使烏震正綱尋與審通斬殺亂兵

七月宋州節度使王晏球與護駕親軍都指揮使張虔

釗攻定州帝令中使押御馬二匹賜晏球虔釗

三年六月招討王晏球獻曲陽之捷令殿直陳知隱押

銀腰帶鞍轡賜北面立功將校

時帝在汴王晏球討定州王都故也

十月甲子安州上言屯駐左神捷右懷順兵士作叛主帥高行珪襲殺出城命使賜行珪鞍馬御衣寶帶及賜都將已下有差時行珪預覺其事遂潛移鎧甲於別室叛卒果先奔其庫行珪有備乃能禦之

是月代州刺史檢校司空張朗超授檢校太保初契丹主赴援太原代州張朗忻州丁審琪守城蕃軍由城下過都不誘迫時端明殿學士呂琦在忻州及供奉殿直

四五人州兵僅千人琦謁審琪曰敵勢經城不問可見其心迴日必無全理與使君率在城軍民入五臺避敵於鎮州界策之上也審琪從之翌日詰旦琦等遣人會審琪拒關不納軍士欲攻牙城琦曰家國如斯自相屠害非人情遂率州兵趨真定審琪即日降契丹唯朗屢煞敵族帳故超授獎之

四年二月辛亥下制曰朕嘗披國史備閱軍功裴度之破淮西無遺廟筭石雄之攻山北益展皇威莫不仰遺

烈於祖宗委全才於將相而自中山逆命外域朋姦奪
戎旅以鷹揚屠賊城而魚爛夕聞告捷明賞殊勲竭忠
建策興復功臣北面行營招討歸德軍節度宋亳單潁
等州觀察處置亳州太清宮等使權知定州軍州事特
進檢校太傅同中書門下平章事使持節宋州諸軍事
宋州刺史上柱國琅琊郡開國侯食邑一千戶王晏球
長劍倚天洪河帶地居萬夫之長擅三傑之名黃石兵
書運子房之籌略清淮公族興仲爽之源流自統雄師

往收逆壘摧曲陽之堅陣厭滌水以驚波爰築室以反
耕攻圍雉堞果折骸而易子傾覆烏巢招降之士庶數
千撲滅之兇狂非一王都授首禿饑生擒火焚而惡蔓
皆除雷掃而妖氛併息諒茲丕績宜降優恩迺眷汝陽
實惟巨鎮據犬牙之內地當馬頰之要津是命疇以勲
庸福其黎庶進公國之品秩崇藩后之等威俾濬鳳池
仍加蟬冕帷幄共推於重席井田兼別於真封於戲解
甲休兵實歸於上將安民和衆議伏於賢臣永保令猷

無替朕命可依前檢校太傅兼侍中使持節鄆州諸軍
事守鄆州刺史充天平軍節度齊棣等州觀察處置使
仍進封開國公加食邑一千五百戶食實封一百戶行
營副招討橫海軍節度觀察等使守滄州刺史李從敏
可光祿大夫檢校太保使持節定州諸軍事守定州刺
史充義武軍節度觀察北平軍等使進封開國伯加食
邑一千二百戶北面行營兵馬都監鄭州防禦使張虔
釗可光祿大夫檢校司徒使持節滄州諸軍事守滄州

刺史充橫海軍節度觀察等使仍封清河縣開國子食
邑五百戶又制朕聞魏絳和戎始克諧於金石祭遵征
虜終併息於烟塵此乃先務懷柔後申禁暴明國家之
耀德表藩翰之圖功既立丕勲宜加懋賞與邦守正翊
贊功臣盧龍軍節度管內觀察處置押奚契丹兩藩經
略盧龍軍等大使特進檢校太尉同中書門下平章事
幽州大都督府長史上柱國天水縣開國侯食邑一千
戶趙德鈞崆峒稟氣渤海融精傳相略於黃公受兵符

於玄女而自羈縻戎馬控制盧龍洞曉蕃情飽諳邊事
獲其五利嘗姑息於鮮卑運以六韜果生擒於惕隱可
謂坐籌帷幄能執干戈終殄寇於中山永摧兇於外域
烽烟南望賴掃蕩於尋時貔虎北征遂凱旋於此日加
以民軍胥悅畏愛並行薊門之人物如初燕谷之棗盛
畢備得不籌其庶績褒以徽章就加進律之文式叶陟
明之典是命寵頒鳳綵列貂冠正爵位於三公加井
田於千戶貴申殊渥仍賜真封於戲事君之節已彰燕

山紀頌教子之方大著踐土臨戎有國有家惟忠惟孝
享茲具美永保令猷可依前檢校太尉兼侍中幽州大
都督府長史充盧龍軍節度觀察等使進封開國公加
食邑五百戶食實封一百戶乙卯以前洺州團練使張
進為鄭州防禦使泰州刺史安叔干為涿州刺史前棣
州刺史潘環為易州刺史淄州刺史張從本為隰州刺
史簡州刺史李思讓為磁州刺史賞中山之功也

時定州帥

王處直養子王都劫
殺處直嬰城以叛

四月以龍武都虞候北面行營諸道左廂馬軍都指揮使符彥卿為耀州團練使神武都虞候北面行營右廂馬軍都指揮使守端州刺史高行周為潁川團練使賞中山之功也

長興三年七月丁酉雲州節度使沙彥珣奏桑遷謀應太原遷報應州尹暉謀逐殺沙彥珣暉復部送遷至伏罪遣太子賓客聶延祚宣賜彥珣尹暉戎服金帶錢幣及犒賞在城軍士

末帝清泰元年五月辛亥以隨駕嚴衛指揮使領費州
刺史尹暉為齊州防禦使捧聖都指揮使繡州刺史康
進海為曹州刺史先是尹暉進海與楊權始構軍入城
奉帝故也

晉高祖天福三年九月己巳復魏府節度使范延光官
爵庚午遣客省使李守貞押器幣賜魏府立功將校
六年八月壬寅制朕項當開創爰在并汾或傾歸順之
心首謀推戴或擁驍雄之旅力效扶持洎汜水興妖鄴

城伐罪每令致討皆立奇功漸臻開泰之期愈念艱危
之節宜頒殊渥允答茂勲應河東起義之初佐命効順
及收復鄴都汜水立功臣僚將校等並與加恩

少帝開運二年正月甲辰以青州平詔行營將校自副
兵馬使已上各賜功臣名號是月宴青州立功將校於
永福殿賜李守貞符彥卿王帶衣一襲衣著銀器鞍轡
馬散馬都監王景崇護聖廂主王喬楊實都指揮使靳
霸等各等第賜金銀帶衣服段疋銀器等

周太祖以漢乾祐二年自河中征趙綰至華州趙暉報
蜀軍盡退郭從義進攻有日即統衆言旋正月五日夜
賊水砦內勁將王三鐵者領千人突出河西攻白文珂
砦時文珂出迎帝唯劉詞葉仁魯等在砦賊三道齊入
殺聲動地會賊發火洞炤内外力戰敗之死者僅七百
人翊日帝至劉詞馬前請罪帝曰吾嘗懸料正疑此事
彼技殫矣賴兄果敢不為虜嗤以鞍馬衣服幣帛勞之
八日帝至西砦搗設以繡帛銀器分遺戰傷將士

廣順元年正月即位制曰馬步諸軍將士等戮力推誠輸忠效義先則平持內難後乃推戴朕躬言念勲勞所宜旌賞其員僚將士等各與等第超加恩命仍賜功臣名號已有功臣名號者別與改賜

四月乙未以前景州刺史姚武為申州刺史前乾州刺史張昭瑀為博州刺史前遼州刺史劉洪為衛州刺史前萊州刺史符彥熊為耀州團練使前淄州刺史藥元福為陳州刺史皆以平徐方預軍功也

二年二月丁亥朔以晉州巡檢使前密州防禦使王萬
敢為復州防禦使晉州節度副使領忠州刺史馬延翰
自檢校刑部尚書加檢校右僕射餘如故皆獎拒并寇
城守之功也戊子龍捷右第五軍都指揮使檢校司徒
領連州刺史史彥超加太保進爵伯加食邑三百戶虎
捷第五軍指揮使檢校司空領秀州刺史何徽加司徒
封太原縣男食邑三百戶亦以固守晉州之功也

世宗顯德元年三月親征河東庚子制以侍衛馬步都

虞候李重進兼忠武軍節度使宣徽南院使向訓兼義
成軍節度使殿前都指揮使張永德兼武信軍節度使
以義成軍節度使白重贊為保大軍節度使以鄭州防
禦使史彥超為鎮國軍節度使賞高平之功也又以建
雄軍節度使藥元福為同州節度使以宣徽北院使楊
廷璋為建雄軍節度使以同州節度使張鐸為彰義軍
節度使以內客省使吳延祚為宣徽北院使以龍捷左
廂都指揮使李干為遼州防禦使以龍捷右廂都指揮

使康延治為萊州防禦使以虎捷左廂都指揮使田瓊
為密州防禦使以虎捷右廂都指揮使張順為登州防
禦使以龍捷第三都指揮使孫延進為鄭州防禦使以
前耀州團練使符彥能為澤州防禦使又以散員都指
揮使李繼勳為殿前都虞候以殿前都虞候韓令坤為
龍捷右廂都指揮使以鐵騎第一軍都指揮使趙宣祖廟諱
為龍捷右廂都指揮使以散員都指揮使慕容延釗為
虎捷左廂都指揮使以控鶴第一軍都指揮使趙晁為

虎捷右廂都指揮使五人并遙授團練使其餘轉改有
差

四月討太原回詔潞州昨經圍閉將校官吏職負同力
守禦兼以大駕駐蹕迎奉無闕應在城將校官吏職員
宜令本州具名銜以聞各加恩澤

五月乙酉以忻代招收指揮使秦珣為歸州刺史初符
彥卿之入賊境也孟縣偽監押楊貴殺巡檢使趙筠以
戍兵數百來降彥卿因請建孟縣為州上可之遂以歸

州為名命楊貴為刺史至是以秦珣代之珣本太原東山之賊帥也廣順初與其黨趙行能等內附朝廷置忻代一路招收都指揮使遙授忻州刺史趙行能副之自是賊之東境常為珣等所苦劉崇惠之竟不能制代州鄭處謙之歸命也蕃寇在郊我軍未至珣遣弟州帥兵三百以戍之帝嘉其誠節故有郡印之授

六月車駕征河東回乙亥制以天雄軍節度使檢校太師守太保兼中書令大名尹衛王符彥卿為守太傅仍

封魏王以天平軍節度使檢校太師兼侍中郭從義為
中書令以河陽三城節度使檢校太尉同中書門下平
章事劉珣為兼侍中行京兆尹充永興軍節度管內觀
察處置等使以昭義軍節度使檢校太尉同中書門下
平章事李筠為兼侍中以河中護國軍節度使檢校太
尉同中書門下平章事行河中尹王彥超為兼侍中充
忠武軍節度使許蔡等州觀察處置等使以忠武軍節
度使兼侍衛馬步軍都虞候檢校太保李重進為同中

書門下平章事充歸德軍節度宋亳等州觀察處置等
使兼侍衛親軍馬步軍都指揮使以武信軍節度使兼
殿前都指揮使檢校太保駙馬都尉張永德為檢校太
傅充義成軍節度使滑衛等州觀察處置等使兼殿前
都指揮使以定國節度使檢校太傅藥元福為檢校太
尉充保義軍節度陝虢等州觀察處置等使以保大軍
節度使檢校太傅白重贊為檢校太尉充河陽三城節
度孟懷等州觀察處置等使以保義軍節度使檢校太

保韓通為檢校太傅充彰信軍節度曹單等州觀察處
置等使時帝以即位之初覃慶於諸侯亦賞從征河東
之勞也

二年十一月秦鳳等州詔應馬步軍營將士等各與恩
澤其有歿於王事者自副兵馬使以上並與贈官仍賜
賻贈物

三年正月己亥上於金祥殿賜陳州節度使向訓襲衣
金帶銀器繒帛鞍馬餘各有差賞西征之功也

六月甲子以鳳翔節度使王景為雄武軍節度使兼西
面緣邊都部署以宣徽南院使鎮安軍節度使向訓為
檢校太尉依前宣徽南院使充淮南節度使以彰信軍
節度使韓通為檢校太尉忠武軍節度使以賞秦鳳之
功也

四年五月辛亥賜應淮南征行軍士金銀錢帛有差賞
其勞也

五年五月辛亥以征淮南迴降德音云矧彼戎士咸遵

武經或從我征行久服勤於甲冑或守茲城邑能安定於封圻宜舉彛章首膺懋賞應侍衛殿前及諸道馬步軍將士等各賜等第優給餘從宣命處分

是月帝以征淮南迴賜宰臣樞密侍衛宣徽使及翰林學士中書舍人內諸司使已下器幣鞍馬各有差賞扈從之勞也

冊府元龜卷一百二十八

欽定四庫全書

冊府元龜卷一百二十九 宋 王欽若等撰

帝王部

封建

漢氏之興以同姓寡少復鑒嬴秦孤立之敗繇是立二等之爵以封功臣蓋異姓王肇於此矣東京以降施姑息之政遵權宜之制良有之也其於褒崇勲望申之異數咸無聞焉元魏之世多被殊號垂及唐室著之班秩

胙土典冊寵名斯紀同光之後勲臣競與或稱藩請命
撫封傳世恭順傾嚮外禦宣力則必加之異數尊其爵
禮稽若前訓咸可述焉至若貞觀之詔追用古道事雖
中寢亦并叙云乃百執所封五等之制蓋為常典此不
備書

漢高祖初為漢王二年十二月立韓太尉信為韓王初
信從漢王入漢中說漢王東鄉爭天下漢王還定三秦
乃許王信先拜為太尉將兵畧韓地項羽殺韓王成聞

漢遣信畧韓地乃令故籍游吳時令鄭昌為韓王

項籍在吳

時昌為吳縣令

距漢信略地定韓地十餘城漢王至河南信急

擊韓王昌昌降漢乃令立信為韓王常將韓兵

三年十月韓信定趙遣使報漢因請立張耳王趙以撫其國漢王許之

四年二月立韓信為齊王初信已破齊使人言曰齊邊楚權輕不為假王恐不能安齊漢王怒欲攻之張良曰不如因而立之使自為守乃遣張良操印立之

七月立黥布為淮南王初項籍立布為九江王齊王田榮叛項王徵兵布稱病不往項王由此怨布布愈恐漢使隋何使九江項王使龍且攻破布軍布間行與隋何

俱歸漢故立為王

布與漢擊楚垓下項籍死布遂剖符都六九江廬江衡山豫章皆屬焉

五年正月下令曰楚地已定義帝亡後欲存卹楚眾以定其主齊王信習楚風俗更立為楚王王淮北都下邳魏相國建成侯彭越勤勞魏民卑下士卒嘗以少擊眾數破楚軍其以魏故地王之號曰梁王都定陶二月詔

曰衡山王吳芮與子二人兄子一人從百粵之兵以佐諸侯誅暴秦有大功諸侯立以為王項王侵奪之地謂之番君其以長沙豫章象郡桂林南海立番君芮為長沙王又詔曰故粵王亡諸世奉粵祀秦侵奪其地使其社稷不得血食諸侯伐秦亡諸身帥閩中兵以佐滅秦項羽廢而弗立今以為閩粵王王閩中地勿使失職七月燕王臧荼反帝自將征之九月虜荼詔諸侯王視有功者立以為燕王荆王臣信等十人皆曰太尉長安

侯盧綰功最多請立以為燕王

十一年五月詔曰粵人之俗好相攻擊前時秦徙中縣

之民南方三郡

中縣之民中國縣民也秦始皇略取強梁地以為桂林象郡南海郡故曰三郡

使與百粵雜處

欲介其間使不攻擊

會天下誅秦南海尉它居南

方長治之

它亦使南海尉之名姓趙長治謂為之長帥而治理之也

甚有文理中縣

人以故不耗減

耗損也

粵人相攻擊之俗益止俱賴其力

今立它為南粵王使陸賈即授璽綬

即就也就其所居而立之

十二年二月詔曰南武侯織亦粵之世也立以為南海

王高祖五年以象郡桂林南海長沙立吳芮為長沙王

象郡桂林南海屬尉佗佗未降遙虛奪以封芮耳後

佗降漢十一年更立佗為南越王自佗王三郡芮唯得長沙桂林零陵耳今復封織為南海王復遙奪佗一郡

織未得王之

惠帝三年舉高帝時粵功

追論其功

曰閩君搖功多其民便

附迺立搖為東海王都東甌世號曰東甌王

武帝建元六年閩粵擊南粵漢遣大行王恢擊閩粵閩

粵王弟餘善殺王郢以降帝曰郢等首惡獨無諸孫繇

丑不與謀

繇邑號也

乃使中郎將立丑為粵繇王奉閩粵祭

祀餘善以殺郢威行國中民多屬心竊自立為王繇王不能制帝聞之為餘善不足復興師曰餘善首誅郢師得不勞因立餘善為東粵王與繇王並處

後魏太武即位初進司徒長孫嵩爵為北平王司空奚斤為宜城王藍田公長孫翰為平陽王其餘普增爵位各有差

神麈三年十一月封壽光侯叔孫建為丹陽王

太延元年五月進宜都公穆壽為宜都王汝陰公長孫

道生為上黨王宜成公奚斤為常農王廣陵公樓伏連
為廣陵王

文成興安元年十一月進平南將軍宋子使周怵爵為
樂陵王南部尚書安子侯麗為平原王

十二月建業公陵侯進爵東平王廣平公杜遺濮陽公
閻若文並進爵為王

二年正月司空杜元寶進爵京兆王尚書左僕射東安
公劉尼尚書西平公源賀並進爵為王

三月安豐公閻虎皮進爵為河間王

太安元年十月以遼西公常英為太宰進爵為王

二年九月河東公閻毗零陵公閻紇並進爵為王

十一月尚書西平王源賀改封隴西王

三年正月以漁陽公尉眷為太尉進爵為王

和平三年正月以車騎大將軍東郡公乙渾為大康王

獻文天安元年二月以侍中陸定國為東郡王

皇興二年四月以南郡公李惠為都督關右諸軍事雍

州刺史進爵為王

三年二月以上黨公慕容白曜為都督青齊東徐三州
諸軍事青州刺史進爵濟南王

十一月襄城公韓頽進爵為王

孝文太和二年正月封昌黎王馮熙第二子始興為北
平王

二年四月淮陽公尉元進爵為王

九月封司徒趙公陳建為魏郡王司空河南公苟頽為

河東王侍中尚書太原公王獻為中山王侍中尚書隴東公張祐為新平王

五年九月封昌黎王馮熙世子誕為南平王誕與帝同歲幼侍書學仍蒙親待尚帝妹樂安長公主拜駙馬都尉侍中征西大將軍南平王

唐高祖武德二年七月和州賊帥杜伏威遣使來降授和州總管東南道行臺尚書令封楚王三年六月徙封吳王

十月詔徐世勣父上柱國舒國公蓋宜封濟陰郡王
四年正月竇建德行臺尚書令胡大恩以大安鎮降封
定襄王

太宗貞觀十一年六月戊辰以司空長孫無忌為越州
刺史改封趙國公左僕射房玄齡為宇州刺史改封梁
國公故司空杜如晦贈密州刺史改封萊國公特進李
靖為濮州刺史改封衛國公特進吏部尚書高士廉為
申州刺史改封申國公趙郡王孝恭為觀州刺史改封

河間郡王同州刺史尉遲敬德為宣州刺史改封鄂國
公光祿大夫李世勣為蘄州刺史改封英國公左驍衛
大將軍段志玄為金州刺史改封褒國公左領軍大將
軍程知節為普州刺史改封盧國公兵部尚書侯君集
為陳州刺史改封陳國公任城王道宗為鄂州刺史改
封江夏郡王太僕卿劉弘基為朗州刺史改封夔國公
金紫光祿大夫張亮為隰州刺史改封鄖國公因下詔
曰周武定業胙茅土於子弟漢高受命誓帶礪於功臣

豈止重親賢之地崇其禮秩抑亦固磐石之基寄以藩
翰魏晉已降事不師古建侯之制有乖名實非所謂藩
屏王室永固無窮者也隋氏之季四海沸騰朕運屬殷
憂戡剪多難上憑明靈之祐下賴英賢之輔廓清寓縣
嗣守寶厯豈予一人獨能致此時述既共資其力世安
而專饗其利乃睠於斯甚所不取但今之刺史即古之
諸侯雖立名不同而監統一也故申命有斟酌前代宣
條委共治之寄象賢存世及之典司空齊國公無忌等

或材稱人傑望表國章論道廟堂寄深舟楫用資文武
誠著艱難折衝閫外隱如敵國或志力忠烈寔為心膂
或氣幹強果是曰爪牙策名運始功參締構義貫休戚
效彰夷險嘉庸懿績簡于朕心宜委以藩鎮改賜土宇
餘官食邑並如故即令子孫世世承襲

其後無忌等將之國情皆係戀

不願行辭不獲免無忌子尚長樂公主乃因主陳請又
繆出怨言以激帝曰臣披荆棘以事陛下今海內寧一
不願違離而棄牧外州復與遷徙何異因上表固讓曰
臣等夙奉明詔授臣刺史子孫繼襲事等建侯承恩以
來進退唯谷公私迫切益深危懼竊以無勞而貴自開
逐禍之原仰累明時虛行變古之道形影相弔若履春

永宗戚憂危如真湯大臣無忌等誠惶誠恐頓首頓首
死罪死罪臣聞質文迭變皇王之迹有殊今古相沿致
理之方乃革仰維三代習俗靡常爰制五等隨時作教
盖由力不能制因而利之禮樂節文多非已出逮夫兩
漢用矯前違置守頌條蠲除曩弊無益之文章及四方
不易之理有逾千載今為臣等復此奄荒欲其優隆錫
之茅社施于子孫永貽宗嗣斯乃大鈞播物秋毫益施
其生小人踰分後葉必嬰其禍何者違時易務曲樹私
恩謀及庶僚義非僉允方招史冊之誚有奈聖代之綱
此其不可一也又臣智效罕施器識庸陋或情緣后戚
遂陟台階或願想披荆使蒙夜拜直當今日猶愧非才
重裂山河逾彰濫賞此其不可二也又且孩童嗣職義
乖師儉之方任以褰帷寧無傷錦之弊上千天憲曩典
既有常科下擾庶民必致餘殃於後一掛刑網自取誅
夷陛下深仁務延其嗣翻令勦絕誠有可哀此其不可
三也當今聖歷休明求賢分政古稱良守寄在共理此

道之行為日滋久緣臣等忽有之改張封植兒曹失於求瘼百姓不幸將焉用之此其不可四也在茲一舉為損實多曉夕深思憂貫心髓所以披丹上訴指事明心不敢浮辭同於矯飾伏願天澤諒其愚款特傳渙汗之旨賜其性命之恩太宗謂之曰割地以封功臣古今之通義也意欲公之枝葉翼朕子孫長為藩翰傳之永久情在此耳而公等薄山河之誓發言怨望朕亦安可強公以土宇耶於是遂止

中宗神龍元年正月封右羽林大將軍李多祚為遼陽郡王食實封八百戶以誅張易之兄弟功也

五月封侍中齊國公敬暉為平陽郡王桓彥範為扶陽郡王袁恕已為南陽郡王中書令漢陽公張柬之為漢陽

郡王中書令博陵郡公崔玄暉為博陵郡王並加特進
仍令罷知政事仍聽朝朔望

玄宗天寶九載十月封安祿山為東平郡王制曰寄重
者位崇勲高者禮厚欽若古訓抑惟舊章開府儀同三
司兼右羽林軍大將軍員外置同正員御史大夫范陽
大都督府長史柳城郡太守持節克范陽節度經略度
支營田陸運押兩蕃渤海墨水等四府節度處置及平
盧軍河北海運并管內採訪等事上柱國柳城郡開國

公安祿山性合韜鈴氣稟雄武聲威振於絕漠捍禦比
於長城戰必尅平智能料敵所以擢升臺憲仍仗旌麾
既表勤王之誠屢申殄寇之畧頃者契丹負德潛有禍
心乃能運彼深謀累臬渠帥風塵肅靜斥候無虞不有
殊恩孰彰茂績疆場式遏且薄衛霍之功土宇斯開宜
踐韓彭之秩可封東平郡王仍更賜實封二百戶通前
五百戶餘如故

十二載八月封隴右節度使哥舒翰為西平郡王

肅宗乾元二年七月封朔方都知兵馬使節度副使僕
固懷恩為大寧郡王

寶應元年建辰月辛未詔曰命將之選當仁實難非夫文可
經邦不能安人和衆武可禁暴罔以尅敵成功允藉宏
才爰申錫命司徒中書令靈州大都督府長史單于鎮
北副大都護持節克朔方節度關內度支營田鹽池押
諸蕃部落副大使知節度事六城水運使兼邠寧鄜坊
等道節度副大使上柱國代國公郭子儀河嶽間氣巖廊

重寶器量深識寬而有謀術應通方用而無滯自經難
阻實擁旌旄遂能尅復二京折衝千里厥戎將殄時乃
之功久勤啟沃載竭忠讜人之望也天實賚予今殄寇
未寧興師頗廣鎮守經制已有區分而籌畫指麾必資
專制將軍辭第無以家為丞相憂邊思平國難固以討
謀之用宜申總統之威其將戡定外虞澄清列郡光膺
藩屏之寄式崇社稷之勲對揚休命以永終譽可封汾
陽郡王知朔方河中北庭潞儀澤沁等州節度行營兼

興平定國等兵馬副元帥仍充本管內觀察處置使餘
如故

代宗寶應元年五月丙戌太尉蕪中書令鄭國公李光
弼進封臨淮郡王

八月劍南狂賊徐知道為麾下將李忠勇所殺劍南州
縣盡平封忠勇為臨晉郡王又封平盧淄青節度使侯
希逸為淮陽郡王

二年閏正月戊申封成德軍節度使李寶臣為清河郡

王是年又封幽州節度使李懷仙為武威郡王魏博節度使田承嗣為鴈門郡王

六月封陳鄭澤潞節度使李抱玉為武威郡王

廣德元年封尚書右僕射郭英乂為定襄郡王

永泰元年二月封神策軍都虞候劉希暹為交河郡王
大將李守泰為同谷郡王孫獻心為宣城郡王楊通達
為高平郡王段子英為遂寧郡王

八月涇原節度使兼御史大夫馬璘封扶風郡王

十月封朔方大將孫守亮九人為異姓王又封李國臣等十三人為異姓王是月進封渭北節度使李光進為武威郡王

大曆二年二月封華州牙將姚懷為感義郡王李延俊為永化郡王以斬周智光之功也

六月封荆南節度江陵尹衛伯玉為城陽郡王

五年四月封幽州節度使朱希窠為高密郡王

九年三月封幽州節度使朱泚為淮寧郡王

十二年徙封遂寧郡

王

九月封平盧節度都知兵馬使試殿中監王廷俊為陽城郡王都虞候試殿中監李令德為狄道郡王步軍使試太常卿劉神藻為順正郡王都押衙試太常卿許皎為隣山郡王並賜實封五千戶

十年二月封平盧淄青節度使李正己為饒陽郡王德宗嗣位初封四鎮北庭行軍涇原鄭穎節度使段秀實為張掖郡王

建中元年六月封涇州裨將試殿中監劉海賓為樂平郡王賞殺劉文喜也

二年五月封淮寧節度使李希烈為南平郡王

三年四月封幽州節度使朱滔為通義郡王

九月封河陽節度使李芑為開封郡王

四年冬封朱忠亮為東陽郡王

忠亮事薛嵩為將鎮普潤朱泚之亂以麾下奔

奉天德宗嘉之故封

白孝德累有功為安西北庭節度鄜延邠寧節度封昌

化郡王

興元元年二月封成德節度兼幽州盧龍兩道節度王

武俊為琅琊郡王

是歲又封武俊子德棣觀察使士貞為清河郡王貞元初封士貞弟冀州

刺史士清為北海郡王

八月癸卯加神策軍京畿渭南渭北鄜坊節度及兵馬

副元帥司徒兼中書令合川郡王

臣欽若等曰本傳及實錄不載封合川郡

王年

日 食實封一千五百戶李晟兼鳳翔尹充鳳翔隴右

節度度支營田觀察使仍充管內諸軍及涇原四鎮北

庭行營兵馬副元帥改封西平郡王加河東保寧軍節
度觀察使太原尹北都留守檢校司徒平章事北平郡
王馬燧奉誠軍及晉慈隰節度并管內諸軍行營兵馬
副元帥以靈鹽豐夏節度使邠寧振武奉天永平等軍
兵馬副元帥侍中兼靈州大都督樓煩郡王食實封一
千八百戶渾瑊為河中尹河中絳州節度觀察等使仍
充河中同絳陝虢節度及管內諸軍行營兵馬副元帥
改封咸寧郡王

十月李希烈將李澄以滑州降以為汴滑節度封武威郡王是年又封禁軍將軍李惟簡為武安郡王是年又封神策京畿渭南商州節度尚可孤為馮翊郡王是歲又封靈鹽豐夏節度杜希全為餘姚郡王貞元元年封魏博節度田緒為常山郡王

六年四月宣武軍節度使檢校司空平章事懷德郡王劉玄佐徙封彭城郡王賜實封八百戶

十一年八月改封魏博田緒為鴈門郡王

十七年封劍南西川節度使韋皋為南康郡王賞破吐蕃功也

憲宗元和二年正月封振武軍節度使闞巨源為定襄郡王

六年封招義節度使盧從史為范陽郡王

八月封劍南西川節度高崇文為南平郡王

十三年封涇原行營節度郝毗為保定郡王

十四年二月封義成軍節度劉悟為彭城郡王

敬宗寶曆二年封幽州節度朱克融為吳興郡王是年
封幽州李載義為武威郡王

文宗太和三年十一月封武寧節度王智興為鴈門郡
王

武宗會昌中封幽州節度張仲武為蘭陵郡王

僖宗中和元年封西川節度陳敬瑄為潁川郡王是年
封河中節度王重榮為琅琊郡王

光啟元年封徐州節度時溥為鉅鹿郡王

昭宗乾寧四年三月制封鎮國軍節度韓建為昌黎郡

王

光化元年改封潁川郡王
建累辭王爵改封許國公

是年九月封鎮海東節度

使錢鏐為吳王

光化元年九月制封魏博節度使羅弘信為臨清王

二年七月封武貞節度使雷蒲為馮翊郡王

荆南節度忠萬等州觀察成汭封上谷郡王

忠義軍節度趙凝封南平王後封楚王

天祐元年封鎮州王處直為太原王

後唐莊宗同光元年十一月制忠義太保等軍節度延

廊管內觀察處置等使檢校太師兼中書令北平王高

萬興復封北平王

萬興在梁朝已封北平至是復以舊爵授之

是年湖南節

度馬殷首脩職貢復封楚王

梁貞明中已封楚王此故云復封

二年二月辛巳以檢校太師守尚書令兼河南尹判六

軍諸衛事魏王張全義為守太尉兼中書令孟州刺史

充河陽三城節度孟懷等州觀察處置等使河南尹封

齊王是年封荆南節度高季興為南平王

三年八月正衙命史冊兩浙吳越王錢鏐為吳越國王
癸亥太常禮院奏吳越王錢鏐行冊禮宜取八月二十
七日丁亥吉奉勅其印宜以吳越國王之印為丈仍令
所司以金鑄造

明宗天戊二年四月癸丑制曰朕聞襲弓裘之美惟孝
承家秉旌鉞之權惟忠報國其有顯居世祿傑出時材
疾風端勁草之心積雪驗貞松之節恐毀我室非閱於
墻宜遵紹續之文俾授統臨之寄爰於剛日特舉彛章

威武軍節度觀察留後起復雲麾將軍檢校太傅使持
節舒州諸軍事守舒州刺史兼御史大夫柱國琅瑯縣
開國伯食邑七百戶王延鈞拱北華星圖南巨翼垂金
精於玄象刷玉宇於雄風而自皂蓋分憂清源共理五
馬之聲光首出八龍之價譽相高既綰珪符俄從金革
在原無惠咸推晉后之賢當璧有徵大叶楚人之望而
又上欽天眷傍沮物情守祖考之貽謀却藩宣之承制
心傾皎日義惡浮雲建溪之誓帶如河閩嶺之礪山齊

嶽父風宛在臣節彌堅是命高建牙璋洞開玉帳錫以
油幢瑞節廣其淶水紅蓮寵冠阿衡貴同緹騎尊以師
而表敬實其戶而增封併示貞榮仍加懿號於戲象賢
務德克揚嗣子之名進律推恩當顯使臣之禮勉膺殊
渥永保令圖可依前授起復雲麾將軍右金吾衛大將
軍外置司正員檢校太師守中書令福州大都督府長
史克武威軍節度福建管内觀察處置兼三司發運節
度封琅琊王三年命左散騎常侍陸崇持節冊為閩王

六月以天策上將軍湖南節度使楚王馬殷封楚國王
七月中書奏馬殷封楚國王禮文不載國王之制請約
三公之儀使行冊奉制宜依

閔帝應順元年正月壬辰制以荆南節度使檢校太尉
兼中書令江陵尹渤海郡侯高從誨可封南平王武安
武平等軍節度觀察等使檢校太尉兼中書令行潭州
大都督府長史扶風郡侯馬希範可封楚王

末帝清泰元年制以幽州盧龍軍節度押奚契丹經略

盧龍軍等使兼北面行營招討使檢校太師中書令行
幽州大都督府長史天水郡公趙德鈞封北平王平盧
軍節度押新羅渤海兩蕃等使檢校太師中書令樂安
郡公房知溫封東平王

晉高祖天福二年五月制天雄節度秦國公范延光可
封臨清王又制鳳翔節度使西平王李從曠封岐王是
月封平盧節度王建為臨淄王二年封東平王五年入
覲進封韓王

周太祖顯德元年正月以山南東道節度襄鈞房復觀察等使檢校太師守太傅中書令南陽王安審琦封陳王以天平軍節度鄆齊棣觀察等使檢校太師守太保中書令淮陽王符彥卿克大名府天雄軍節度使進封魏王以荆南節度荆歸峽觀察等使檢校太師兼中書令江陵尹渤海郡王高保融封南平王以定南難節度夏綏銀宥觀察等使檢校太師中書令隴西郡王季彛殷封西平王

冊府元龜卷一百二十九